

**Pa chica Pos - Habri tubería y wc.
Servicio lihe y confiablel.**

Experiencia ta manda

CICLONE

Septic Tank Service

Tel: 564-0607 / 734-0607

JOS
SEPTIC TANK
Tel: 566-6144
586-1230

**HANDYMAN
ARUBA 2024**

Verf, welding, roofing,
carpentry, maintenance.
Nos ta cla pa yuda bo.
5% descuento riba tur trabao.
Yama awo 743-8155

**CHAPI Y VERF
HANDY MAN**

Nos ta haci tur sorto di
chapi y verf cas, edificio,
school. Nos ta tira sushi
afo. Cel: 561-1397

**PLOMERIA Y
CONSTRUCCION**

Nos ta haci tur trabao
di plomeria grandi y
chikito. Lavamanos,
wc, lavaplatu y ducha.

Tel: 563-9130 / 562-1037

**CONSTRUCCION
REMODELACION**

Nos ta traha y drecha tur sorto
di dak: shingle, eterniet, panchi,
zink. Pega bloki, tegels,
plafond, pleister, pone porta,
basha vloer, construcion di cas
y apto bon prijs. Tel: 561-2137

NOS TA DRECHA

Frigidaire,
wasmachine, dryer,
airco, cooler.
Tel: 566-4366

NOS TIN SERVICIO

Corta mata peligroso
grandi y chikito,
palmanan grandi y chikito
peligroso, traha forma
den mata. Tel: 592-1277

ASSOCIATED REALTORS

TA BENDE

Un cas na San Nicolas di
3 camber y 1 baño riba tereno
propiedad di 550 m²,
bon pa speelschool tambe y
pa Afl.335.000,00
Yama Mito na 593-6318

ASSOCIATED REALTORS

TA BENDE/INVERSION

Un cas di 2 camber y 1 baño mas 5
apartamento na Diamantbergweg/
San Nicolas, construi 325 m²,
tereno 922 m², na 69% di prijs
di mercado pa Afl.400.000,00.
Yama Mito na 593-6318

DIARIO

Pa noticia, cumpleaños,
comentario, redaccion:
noticia@diario.aw

Tel: 582-6747


1943 ~ 2024

In Memoriam Hubert 'Juby' Naar

Autor: Leon M. Bérénos MSc, Aruba

E persona di Hubert 'Juby' Naar mayoria di nos conoce como e periodista popular y destaca, e conecedor di historia di Carnaval Arubano, e historiador di Aruba en general y di San Nicolas en particular. Pero hopi di nos, especialmente esnan hoben, no conoce e bida y trayectoria di Hubert 'Juby' Naar como deportista hoben y destaca.

Den añanan 1960 pa 1963 Hubert 'Juby' Naar como estudiante na St. Augustinus College na San Nicolas, tabata profila como un hoben deportista multi facetico. Atletismo, Volleyball, Softball, Basketball y hasta ping-pong e tabata practica cu hopi fervor. E tabata destaca den atletismo y den volleyball. Den e ekipo di atletismo di St. Augustinus College,



Hubert 'Juby' Naar den accion como atleta — 27 April 1963.

durante e encuentronan anual escolar entre e scolnan secundario di Aruba y Curacao, unda Radulphus College tabata bishita Aruba frecuentemente, pa e encuentro deportivo aki, e tabata un di e streanan di nos scol, esta St. Augustinus College. E tabata e capitan di e equipo di Volleyball di St. Augustinus College. Su bulamento masa halto mes, ora di pone un 'smash' tabata e arma principal di Hubert 'Juby' Naar. Tur contrincante tabata teme e teribel 'smash' di Hubert 'Juby' Naar.

Su habilidad den e ramo di atletismo den bulamento halto (hoogspringen) tabata e actividad deportivo mas alendor di dje. E team di St. Augustinus College tabata competi cu scolnan manera Abraham de Veer School, Sero Colorado High School, LTS Aruba y La Salle College. Tur aña den luna di April/Mei e scolnan aki tabata competi riba various tereno y esun mas popular

y mas bishita tabata e encuentro di Track & Field den Lago Sport Park den luna di April.

Mi ta corda cu den aña 1961 y 1962 St. Augustinus College a finalisa na di 3 lugar den e competencia aki, tras y Sero Colorado High School y Abraham de Veer School pero prome cu LTS Aruba y La Salle College. Den e puntuación total, 2 atleta a destaca pa acapara e cantidad di punto cu tabata Hubert 'Juby' Naar y mi persona, unda ami a premia den 3 numero den coremento riba pista. Hubert 'Juby' Naar a gana e high jump y a caba den 2e lugar den Broad Jump y Humbert Mohamed, mihor conosi como Mo, e artista/pintor, a caba den tiramento di javelina na di 2 lugar. Como capitan di nos ekipo a fungi Hubert 'Juby' Naar.

Ami y hopi di nos cu a studia y caba na St. Augustinus College lo recorda Hubert 'Juby' Naar como e líder ehemplar di nos ekipo cu tabata anima nos na un manera energetico y motivador. Mi añanan deportivo hunto cu Hubert 'Juby' Naar lo mi corda masha bon mes y gracias na su amistad deportivo y social un gran parti di nos hobennan di e añanan di comienzo 60 a bria den deporte na un manera ehemplar.

Mi mes por bisa cu pa cierto motivo den aña 1963 mi a resulta como e atleta mas destaca di Lago Olympiad cu e titulo: 'Most Outstanding Athlete'. Gracias na e apoyo tambe di hopi personan cu Hubert 'Juby' Naar a organiza pa sinta den tribuna pa duna sosten na nos atletanan. Tanto e gran cantidad di personan cu Hubert 'Juby' Naar a pidi a bini y di Filomena College (esta e mucha-muhernan di scol secundario), a bini hunto pa haci hopi bochincha den tribuna, mostrando nan sosten pa nos.


Tambe mi por corda cu Hubert 'Juby' Naar y tur nos studiantenan di St. Augustinus College a bini Playa pa apoya mi durante e popular Boulevardloop di 1962 y 1963, unda mi a sali ganando absoluto e 2 añanan ey. Mester remarca cu Hubert 'Juby' Naar tambe tabata apoya e gran persona Arubano di Padu Maduro, cu a caba e Boulevardloop na di tres lugar, aunke cu Padu Maduro ya tabata di un edad basta halto compara cu no hobennan.

Un anecdota particular ta lo siguiente: Hubert 'Juby' Naar tabata biba na Lago Heights den '600 Street' e di 4 cas na bo man drechi ora bo ta subi e cero di Lago Heights. E prome caya na bo man drechi. Mi mes ta mucha di Essoville. Ambos bario ta situa un par di kilometer for di St. Augustinus College, kedando den e tempo ey den Ceintuurbaan, cu awe ta yama Pastoor Hendiksstraat. Tur dia di siman nos tabata bay lunch na cas, esta Essoville respectivamente Lago Heights. Aki henter un grupo, consistiendo e 'gang' di Essoville lidera pa mi persona y e 'gang' di Lago Heights lidera pa Hubert 'Juby' Naar tabata cana un tipo di 'speedwalking' pa yega cas liher y mas rapido posibel, dal nos lunch y ta back na scol pa 1:00 pm. Pausa tabata cuminsa 12:00 pm.

E ejercicio aki a haci cu mi a converti mi mes den un coredor elocuente y Hubert 'Juby' Naar tambe como lider di su 'gang' di Lago Heights tabata esun mas liher den canamento. Hopi di nos conoce Hubert 'Juby' Naar como un canador rapido. Asina e 'gang' di 'Up the Hill' tabata competi cu e 'gang' di 'Down the Hill'.

Hubert 'Juby' Naar lo keda den nos y mi memoria como e hoben y lider di hubentud di San Nicolas cu a muestra cu e generacion di nos lo keda uno ehemplar pa e generacion di awe.

Cu Hubert 'Juby' Naar sosega na paz.



Publico riba 27 April 1963 den Lago Sport Park pa atende e encuentro deportivo anual. E Diasabra anochi ey, 7.000 persona a drenta Sport Park.